

स्थान के
पहुरा थारु दैनिकके अनलाइन न्यूज ओ ओकरभिट्टर डारल इ-पेपरमे देशविदेशसे हमार अनलाइन न्यूज ओ पत्रिका पहे सेक्वी ।

विवाह पवित्र बन्धन हो,
विवाहलाई लेनदेनको विषय
नबनाऔं,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।

नेपाल सरकार
विज्ञापन बोर्ड

२०७६ सालसे पुनर्स्थापनाके काम रुकल

२ हजार ३७५ जाने मुक्तकमैयाक पुनर्स्थापनासे बञ्चित

मुख्यमन्त्री शाह लावा समीकरणके कसरतमे

पहुरा समाचारदाता
धनगढी, १ सावन । दासताके जन्जीरसे मुक्त हुइल मुक्तकमैयाहुकनके २६ बरस पुगल बा । यी बेला मुक्तकमैयाहुके रहर्गो कैके २६औं मुक्ती दिवस मनैना बेला २ हजार ३ सय ७५ मुक्तकमैयाके जिन्गीमे अभिन खुशी नैआइसेकल हो ।

मुक्त कमैया रहल जिल्लामे अभिन २ हजार ३ सय ७५ जाने अभिन पुनर्स्थापनाके असरामे बैठल बटै । मुक्त कमैया समाजके तथ्याडक अनुसार कञ्चनपुरसे दाङ जिल्लामे ओटरा मुक्त कमैया अभिन पुनर्स्थापनाके असरामे बैठल हुइत । २०५७ साल सावन २ गते कमैया मुक्ती घोषणा करल रहे ।

जौन अब्बे २६ बरस विटल मने सुदूरपश्चिम प्रदेश अभिनसम अभिनसम १ हजार ८२ जाने मुक्तकमैयाहुके परिचय पाके पुनर्स्थापनासे बञ्चित रहल मुक्तकमैया समाज जनैले बा । संघीय सरकारसे पुनर्स्थापनाके जिम्मा स्थानीय सरकारहे सम्पलपाछे २०७६ सालसे कमैया पुनर्स्थापनाके कौनोफे कार्य हुई नैसेकल हो । टमान कारणसे पुनर्स्थापनासे बञ्चित हुइल नेपालके दुई हजारसे ढेर मुक्त कमैया अभिन पुनर्स्थापनाके पछाइमे बटै । तत्कालीन सरकारसे २०५७ साउन २ गते कमैया मुक्तिके घोषणाकरके पुनर्स्थापनाके काम आघे बहाइल रहे । तत्कालीन संघीय सरकारसे पुनर्स्थापनाके रकमसहित



स्थानीय तहहे पुनर्स्थापनाके दायित्व हस्तान्तरण करलपाछे मुक्त कमैयाके पुनर्स्थापनाके कार्यमे 'ब्रेक' लागल मुक्त कमैया समाजके केन्द्रीय अध्यक्ष पशुपति चौधरी बटैले । "उ बेला संघीय सरकारसे स्थानीय तहमे आर्थिक वर्षी मसान्तमे पैसा पठाइल रहे । स्थानीय तहसे काम करे नैसेकल", उहाँ कहलै, "दुसर आर्थिक वर्ष लागलेसेफे संघीय सरकारसे सक्कु काम हुसेकल कहिके पुनर्स्थापनाके कार्य बन्द करल ।"

समाजके केन्द्रीय अध्यक्ष चौधरीके अनुसार कैलाली जिल्लामे ९ हजार ७६२ मुक्तकमैया रहलमे ८ हजार ९७५ जनहनहे परिचयपत्र देहलमे मने जग्गा पाइल मुक्तकमैयाभर ८ हजार २२ जाने केल रहल बटै । ओस्टेक कञ्चनपुरमे ४ हजार ५०६ जाने मुक्तकमैया रहलमे

४ हजार ४९८ जनहनहे परिचयपत्र देहल बा, ओम्नेसे जग्गा पाइल मुक्तकमैया ४ हजार २८९ केल रहल बटै । चार सय मुक्तकमैयाहे आकाशे कित्ता, १७३ जनहनके मुक्तकमैयाके तथ्याडकसे हटाइल बटै । कलेसे कैलालीमे ९५३ ओ कञ्चनपुरमे १२९ जाने, दाङमे ४८ जाने पुर्स्थापना बाँकी बटै । बर्दियामे सबसे ढेर १२ सय ४५ जाने मुक्तकमैया पुनर्स्थापनासे बञ्चित केन्द्रीय अध्यक्ष बटैले ।

मुक्तकमैया अभियन्ता बल्लु चौधरी पुनर्स्थापनाके नाउँमे जग्गा नैरहल ठाउँक लालपुर्जा, व्यक्तिके नम्बरी जग्गाके लालपुर्जा, लडिया, खोला रहल ठाउँमे टमान मुक्तकमैयाहुकन जग्गा डेगिल बटैले ।

कैलाली, कञ्चनपुर, बर्दिया, बाँके ओ दाङ करके पाँच जिल्लामे कुल ३२

हजार ५ सय ९ जाने मुक्तकमैयाके तथ्याडक संकलन करल रहे । जेम्ने जग्गा पाई पर्ना संख्या २७ हजार ५ सय ७० कहलमे जग्गा पाइल संख्या २५ हजार १ सय ९५ केल्ह रहल उहाँ जनैले ।

ओसिन समस्या सट्टा भर्ना कैना संख्या ६ सय ६१ रहल बा । परिचय बदर हुइल संख्या १७३, जग्गा नइपाइल ४६३, परिचयपत्रसे बञ्चित १ हजार ७८ जाने करके कुल २ हजार ३ सय ७५ जाने पुनर्स्थापना हुइना बाँकी बटै ।

ओस्टेक करके पाँच जिल्लामे मुक्तकमलरीके संख्या १२ हजार ७६९ जाने रहलमे ४ हजार ९३४ जाने परिचयपत्र पैले बटै कलेसे अभिनसम ७ हजार ८ सय ३५ जाने परिचयपत्र पैनासे बञ्चित रहल बटै । छुट मुक्तकमलरी ३ हजार २९६ ओ अध्ययनरत रहल १२ सय ७४ जाने रहल बटै ।

मुक्त कमैया तथा कमलरीहुकनके माग

नेपाल सरकार ओ कमलरी प्रथा उन्मुलनके लाग संयुक्त संघर्ष समिति बीच हुइल १० बुंदे सम्झौता कार्यान्वयन करेपर्ना, नेपाल सरकारसे तयार करल मुक्त कमलरीके लाग शिक्षा निर्देशिका, २०६८ समयानुकुल परिमार्जन करके तत्काल कार्यान्वयन करेपर्ना, मुक्त कमलरीके लाग वितरण कैना छात्रवृत्तिमे समयानुकुल परिमार्जन करके कार्यान्वयनके *(बाँकी २ पेजमे)*



पहुरा समाचारदाता
धनगढी, १ सावन । नेपाल कम्युनिस्ट पार्टी नेकपा (एमाले) से सरकारहे डेहल समर्थन फित्ता लेहलपाछे अल्पमतमे परल मुख्यमन्त्री कमलबहादुर शाह लावा समीकरणके कसरतमे जुटल बटै ।

आपन नेतृत्वके सरकार बचाइक लाग उहाँ नेपाली कम्युनिस्ट पार्टी (नेकपा) सँग लावा समीकरण कैना कसरत करटी रहल हुइत । सरकारहे साथ डेहक लाग मुख्यमन्त्री दुई चरणमे नेकपासँग छलफल कैसेकलेसे फेन सहमति भर जुटे नैसेकल हो । नेकपासे सरकारके नेतृत्व आपन पार्टीसे कैना सहित बजेट पुनर्लेखनलायत कुछ विषय आघे सारलपाछे सहमति जुटे नैसेकल बटाइल बा ।

नीति तथा योजना आयोगके सदस्यसमेत रहल कांग्रेस नेता नृप सुनार कहलै, "नेकपाके अपने अडान बा । नेकपाके संयोजक पुष्पकमल दाहाल 'प्रचण्ड' मुलुकबाहर रहल ओरसे कौनो बातके टुडो लागल नैहो ।"

सत्तामे रहीके बजेट पारित कैना साथ नैडेहलपाछे मुख्यमन्त्री शाह सत्ता साभेदार दल नेकपा (एमाले) के मन्त्रीनहे बर्खास्त

करल रहित । आपन मन्त्रीनके बर्खास्तीपाछे एमाले सरकारहे डेहल समर्थन फित्ता लेसेकल बा । एमाले साथ छोरलपाछे शाह नेतृत्वके सरकार अल्पमतमे परल बा । नेपाली कांग्रेसके १८ जाने प्रदेश सभा सदस्य बटै । जौन मध्ये एक प्रदेश सभा सदस्य प्रकाशबहादुर देउवा करिब एक बरससे अमेरिका रहल बटै ।

अल्पमतमे परल मुख्यमन्त्री शाह नेकपाके साथ खोज्टी रहल बटै । सभामुखसहित २२ प्रदेश सभा सदस्य रहल नेपाली कम्युनिस्ट पार्टी सभामे सबसे बरवार दल हो । बरवार दलके हैसियतसे नेकपा भर आब आपन पार्टी नेतृत्व करे पर्ना निष्कर्षमे पुगल बा ।

उ पार्टीके बिफेक रोज बैठल संसदीय दलके बैठकसे शाह नेतृत्वके सरकार कामचलाउ होसेकल ओरसे बरवार दलके हैसियतसे नेकपाले नेतृत्वके लाग कांग्रेस, एमाले डुनु दलसँग छलफल चलैना निर्णय करल नेकपाके उपनेता मानबहादुर धामी जानकारी डेलै । उहाँ नियमित बजेटसे फेन कामचलाउ सरकारहे तत्काल ओर विकल्पके लाग अनुरोध कैना निर्णय हुइल उल्लेख करलै ।

भागल चार सय त्रिसट्ठी कैदी पक्राउ



पहुरा समाचारदाता
धनगढी, १ सावन । जेनजी आन्दोलनके क्रममे गत भदौमे कैलाली कारागारसे फरार हुइल ४६३ कैदीह पक्राउ करल बा ।

जिल्ला प्रहरी कार्यालयसे शुके रोज गैल आर्थिक वर्ष २०८२/८३ के कार्यके प्रगति विवरण सार्वजनिक करटी भागल मध्ये ४६३ कैदीह पक्राउ कैना सफल हुइल जनाइल हो ।

आन्दोलनके क्रममे कारागारसे एक जाने बाहेक ६६६ कैदीबन्दी भागल रहित । भागल मध्ये २०३ जाने अभिन पक्राउ कैना बाँकी रहल जिल्ला प्रहरी

कार्यालयके प्रमुख प्रहरी उपरीक्षक नरेन्द्र चन्द जानकारी डेलै ।

जिल्ला प्रहरी कार्यालयसे एक वर्षमे एक हजार ९३० अपराधके घटना दर्ता करल रहे । जौनमध्ये ५७१ जघन्य अपराधके घटना रहल जनाइल बा । कर्तव्य ज्यानके १७ ठो, हातहतियार सम्बन्धी छ ठो मुद्दा दर्ता हुइल चन्द जानकारी डेलै । प्रहरी वर्षभर एक हजार ९५० जनहनहे पक्राउ करके मुद्दा चलाइल रहे । ३१८ जाने अभिन फरार रहल जनाइल बा । गम्भीर प्रकृतिके १५१ मुद्दामध्ये ५५ ठो मुद्दा फछयॉट करल जनाइल बा ।

सुदूरपश्चिम प्रदेशको अत्याधुनिक सुविधा सम्पन्न

निसर्ग हस्पिटल
एण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरु

जनरल फिजिसियन (पेट, छाती, मुटु) रोग विशेषज्ञ	रेडियोलोजी विशेषज्ञ	न्युरो, मस्तिष्क, तन्ना तथा मेरूदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा तन्नारोग विशेषज्ञ	जनरल तथा ल्याप्रास्कोपिक सर्जन	स्त्री तथा प्रसूति रोग विशेषज्ञ	नवजात शिशु तथा बालरोग विशेषज्ञ
ताक, कान, घाँटी तथा थाइरोइड रोग विशेषज्ञ	एन्डोस्कोपिया तथा क्रिटिकल केयर विशेषज्ञ	मुख, अनुहार तथा वङ्गारा विशेषज्ञ	मानसिक तथा तन्ना रोग विशेषज्ञ
घाला, यौन, कुष्ठरोग तथा सौन्दर्य विशेषज्ञ	मृगौला तथा मुत्ररोग विशेषज्ञ	मुटु रोग विशेषज्ञ	

Hasanpur, Dhangadhi-5, Kailali, Nepal

091-527000/01/02, 9865680100, 9804600745

www.nisarghospitalnepal.com / nisarghospitalnepal

स्माईल चौधरीसे प्रकाशित

सठपाढक : प्रेम चौधरी (९८४८४२२०७)

कार्यकारी सठपाढक : राम दहित (९८४८४९४५१८)

भाषा सल्लाहकार : दिलबहादुर चौधरी

पहुना सठपाढक : कृष्णराज सर्वहारी

व्यवस्थापन सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८१२६४१६०१)

पहलमानपुर शाखा: जीवन चौधरी (९८४७०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,Website: pahura.com

मुद्रक : समैजी अफसेट प्रेस, बेहडी, धनगढी

दुई वर्षके उपचारपाछे अस्पतालसे लौटली बन्दना

पहुरा समाचारदाता

धनगढी, १ सावन । डडेल्धुरा जिल्लाके बन्दना लिम्बु करिब दुई वर्षके निरन्तर उपचारपश्चात् बिफेके रोज निसर्ग हस्पिटल एण्ड रिसर्च सेन्टर प्रा.लि.से घर लौटल बटी ।

वि.सं. २०८१ साल सावन ३१ गते घर लागेक सडकमे साइकल सिल्ला क्रममे अचानक गिरके उहाँ गम्भीर घाहिल हुइल रहिठ । दुर्घटनापाछे बेहोस अवस्थामे उहाँहे प्रारम्भिक उपचारके लग डडेल्धुरा अस्पताल लैगल रहे । थप विशेषज्ञ उपचार आवश्यक देखलपाछे उहे दिन एम्बुलेन्समार्फत निसर्ग हस्पिटल एण्ड रिसर्च सेन्टर प्रा.लि., धनगढीमे रिफर करके भर्ना करल रहे ।

अस्पतालमे भर्ना हुइल दोसर दिन अर्थात् २०८१ साल सावन ३२ गते उहाँके पहिल शल्यक्रिया सम्पन्न करल रहे । उपचारके क्रममे बिरामीके स्वास्थ्य अवस्थाअनुसार हालसमा २ ठो मेजर ओ माइनर शल्यक्रिया सफलतापूर्वक सम्पन्न करल बटै । इहे अवधिमे विशेषज्ञ चिकित्सकहुनके प्रत्यक्ष निगरानीमे निरन्तर उपचार, सघन नर्सिङ सेवा, फिजियोथेरापी ओ पुनःस्थापना सेवामार्फत उपचारहे निरन्तरता देखल रहे ।

उपचारके निरन्तरता, चिकित्सकीय व्यवस्थापन ओ पुनःस्थापना सेवाके प्रभावके उल्लेखनीय सुधार आइल बा । २०८३ साल असार ३२ गते सम आइपुगल उहाँसे अस्पतालमे वर्ष १९ महिना दिन उपचाररत कारण बन्दना लिम्बुके स्वास्थ्य अवस्थामे रहटी अपन स्वास्थ्य पुनर्स्थापनाको लम्बा यात्रा

पूरा करल बा । लम्बा अवधिके उपचारके क्रममे उल्लेखनीय आर्थिक व्ययभार सिर्जना हुइलेसेफे बिरामीके पारिवारिक ओ आर्थिक अवस्थाहे दृष्टिगत करके उपचारपश्चात् बाँकी रहल ३१ लाख ५७ हजार रुपयाँ बराबरके उपचार खर्च निसर्ग हस्पिटल एण्ड रिसर्च सेन्टर प्रा.लि. से पूर्ण रूपमे मिनाहा (छुट) कैना निर्णय करल बा ।

अस्पतालसे इहे निर्णयहे उदारताके प्रदर्शनके रूपमे नैहुइल स्वास्थ्य सेवाके मानवीय दायित्व, सामाजिक उत्तरदायित्व ओ सेवामूलक प्रतिबद्धताके अभिव्यक्तिके रूपमे लेहल बा । ओस्टेक करके, अस्पतालसे घर लौटल पाछे दैनिक जीवनयापन ओ आवतजावतहे सहज बनैना अस्पतालके ओरसे एक थान आरामदायी हिवलचेयर समेत सहयोगस्वरूप हस्तान्तरण करल बा ।

इहे अवसरमे निसर्ग हस्पिटल एण्ड रिसर्च सेन्टर प्रा.लि. उपचार प्रक्रियामे प्रत्यक्ष ओ अप्रत्यक्ष रूपमे योगदान पुगइया सक्कु विशेषज्ञ चिकित्सक, नर्स, स्वास्थ्यकर्मी, सहयोगदाता, शुभेच्छुक, सञ्चारकर्मी ओ उपचार अवधिभर साथ, सहयोग ओ सद्भाव प्रदान कइइया सक्कु व्यक्ति एवं संस्थाप्रति हार्दिक आभार व्यक्त करटी बा ।

निसर्ग हस्पिटल एण्ड रिसर्च सेन्टर प्रा.लि. भविष्यमे गुणस्तरीय, विशेषज्ञ ओ मानवीय स्वास्थ्य सेवा प्रदान कैना अपन प्रतिबद्धताप्रति दृढ रहटी समाजप्रतिके उत्तरदायित्वहे निरन्तर आत्मसात् करटी आघे बहैना विश्वास व्यक्त करटी बा ।

२०७६ सालसे...

व्यवस्था करेपर्ना माग करल बा । मुक्त कर्मैया ओ कमलहरीके एकिन तथ्यांक संकलन करके परिचयपत्रके व्यवस्था करेपर्ना माग करल बा ।

ओस्टेक करके नेपाल सरकारसे गठन हुइना टमान आयोग, समिति तथा राज्यके हरेक संरचनामे मुक्त कर्मैया, कमलहरीहुनके अर्थपूर्ण सहभागिता कराई पर्ना ।

नेपाल सरकारसे निर्माण करल पुनःस्थापनाके प्याकेज कार्यान्वयन करेबेर मुक्त कर्मैयाहुनके सहभागिता ओ स्वामित्व हुइना करके परिमार्जन ओ कार्यान्वयन करेपर्ना ।

हरेक मुक्त कर्मैया तथा कमलहरीके लाग एक घर एक रोजगारीके व्यवस्था करेपर्ना । मुक्त कर्मैयाके छावाछाई ओ कमलहरीहुनके उच्च शिक्षा (स्नातकोत्तर) सम ओ प्राविधिक शिक्षा निःशुल्क करके योग्यता अनुसार रोजगारीके व्यवस्था करेपर्ना माग करल बा । मुक्त कमलहरीके लाग निर्माण करल छात्रावास समय अनुकूल परिमार्जन करके मुक्त कमलहरीके लाग सीपमूलक तालिम ओ आर्थिक सहयोगके व्यवस्था करेपर्ना, नेपाल सरकारसे मुक्त

घोषणा करल मुक्त कर्मैयाके बालबालिका, कमलहरीहुनके लाग निशुल्क शिक्षाके व्यवस्था करेपर्ना माग करल बा ।

दासप्रथाके अवशेषमे रूपमे रहल हलिया, कर्मैया, कमलहरी प्रथाके विरुद्ध ओइने करल तत् समयके न्यायपूर्ण आन्दोलन पश्चात् २०५७ श्रावण २ गते कर्मैया मुक्तिके घोषणा, २०६५ साल भाद्र २१ गते हलिया मुक्तिके घोषणा, २०७० श्रावण ३ गते कमलहरीके मुक्तिके घोषणा, २०७९ श्रावण २ गते हर्षवाचरूवा मुक्तिके घोषणा हुइल रहे ।

राजदेव चौधरीके नेतृत्वमे १९ जाने कर्मैयाहे लेके कर्मैया मुक्त हुई पर्ना कहिके आन्दोलन गेटासे सुरु हुइल रहे ।

तत्कालीन गाविस अध्यक्ष सन्तबहादुर कार्की अपन वडामे कर्मैया मुक्त हुइल घोषणा करल पश्चात् जिल्ला प्रशासनके प्रङ्गनमे धर्ना सुरु हुके तत्कालीन प्रधानमन्त्री शेरबहादुर देउवासे २०५७ सावन २ गते कर्मैया मुक्त हुइल घोषणा करल रहिठ ।

२०५८ सालमे कर्मैया निशेध ऐन जारी हुके २०५९ ओ २०६० सालमे कर्मैयाके लगत लेहल रहे ।

कर्मैया प्रथा इतिहास, पुनर्स्थापनाके प्रयास ओ वर्तमान अवस्था

नेपालके लुम्बिनी प्रदेशके दाङ्ग, बाँके ओ बर्दिया जिल्ला सुदूरपश्चिम प्रदेशके कैलाली ओ कञ्चनपुरमे कर्मैया प्रथा प्रचलनमे रहे । अब्बेफे प्रथाके अवशेष जीवित बा । कर्मैया कना शब्द जमिन तथा खेतीपातीसंग सम्बन्धित बा । उ बेला कर्मैया कहलेसे जमिनमे कडा परिश्रम कैना व्यक्तिके रूपमे बुझजाइठ । जमिनदारके जग्गाके एक कोनुवामे बनाइल भुपडी (बुका)मे बैठटी जमिनदारके खेतमे काम करटी आइल गरिब, निमुखा, सोफा ओ इमानदार थारु जातिके मनै नम्मा समयसे कर्मैया कहटी अइलै । सोफा, इमानदार ओ चेतनाके कमीसे चरम शोषणके कारण थारु जातिके मनै टाठावाठाहुनके अतिक्रमणमे परके जग्गाविहिन अवस्थामे अपन परिवारके लालनपालन तथा गुजाराके लाग उहे टाठावाठाहुनके ढेर जग्गा रहल जमिनदारके जग्गा कमाडेना सपरिवार कर्मैयाके रूपमे काम करे लायै ।

जमिनदारके घरमे काम करलवापत कर्मैयाहुनहे वर्षभरके लागि न्युनतम ज्याला तोकल रहे । उहे ज्यालाके रूपमे धान, गोहू मसुरी डेना प्रचलन रहे । ओसिक डेहल न्युनतम ज्यालासे कर्मैयाहुनके आधारभुत आवश्यकता पूर्ती कैना मुस्किल हुए । जेकर कारण ओइने जमिनदारसे घर खर्च, कपडा, चाडवाड, पाहुनाके स्वागत सत्कार आदीके लाग थप रकम सम्पति लेना बाध्य हुइठ । थप सम्पति डेहल वापत जमिनदारसे ऋणके ब्याज, स्टाज करके वर्ष भरके ऋणके दोब्बर तेब्बर बनैना करिठ । कर्मैया सपरिवार वर्षभर काम करलेसेफ ऋण घट्नाके सट्टा बढटी जाए । प्रत्येक वर्ष माघ २ गतेसे माघ मसान्तसम कर्मैयाहुनके खोज्नीबोज्नी अर्थात् वर्षभरके लेनदेन हिसाब तथा मालिक छोरेबेर कैना प्रक्या करजाए ।

कर्मैयासे साहुहे तिरै पर्ना रकम वा ऋण रकमहे सौकी कहिजाए । कर्मैयाहुके मालिकके घरसे नयाँ मालिकके घरमे कर्मैया बैठे जाके नयाँ मालिकसे पुरान मालिकहे टिरे पर्ना सौकी तिरके लैजाइठ ओ पुनः सौकीमे व्याजस्याज जोरटी दोब्बर तेब्बर बनाजाए । कर्मैयाहुके जमिनदारके घरमे जटरा परिश्रम करलेसेफ ओइनके लेहल ऋण घट्नाके सट्टा वर्षपिच्छे दोब्बर तेब्बर बनाजाए ।

यैसिक कर्मैयाहुके आपन जिवनभर सौकी तिरै नैसेकिट । जेकर कारण कर्मैयाके गोसिनीया, छावा छाईहे उमेर अनुसार काम ओ पद निर्धारण करजाए । घरमुलीहे कर्मैया, गोसिनीयाहे बुकही, छाईहे कमलहरी, छावाहे भैसवार, गैवार छेग्रहवाके रूपमे वर्ष भर बिना ज्याला काम करे परे । यसिक सपरिवार जमिनदारकहाँ कर्मैया बैठना अमानविय कुप्रथा बैठै गेल । जमिनदारहसके अपन ऋण चुत्ता कैना कर्मैया तथा घर/परिवारके कौनोफे सदस्यहे दुसर जमिनदारकहाँ बेचबिखन कैना कार्य समेत थालनी हुइल । सौकीवाला कर्मैयासे आजिवन तथा पुत्तीपुस्ता बर्धुवा मजदुरके रूपमे काम करेपर्ना बाध्यात्मक स्थिति सिर्जना हुइल ।

कर्मैया मुक्तिके आन्दोलनके प्रयास ओ मुक्तीके घोषणा
राणा शासनकालमे कर्मैया मुक्तीके लाग टमान प्रयास ओ आन्दोलन हुइल पाजाइठ । सर्वप्रथम वि.सं. १०९९ ओर बर्दिया जिल्लामे राधाकृष्ण थारुसे भुमिहिन थारुहुनके गोप्य भेला करके जमिन जोटुइयाके लाग कहिके आन्दोलनके सुरु कैना प्रयास करल रहे कहिके टमान प्रकाशनमे छापल पाजाइठ । यी कर्मैया प्रथा विरुद्ध सुरु हुइल पहिल आन्दोलन रहे । वि.सं. २००४ सालमे

राधाकृष्ण थारुसे काठमाडौं पुगके प्रधानमन्त्री मोहनशमशेर राणा लगायतके टमान व्यक्तिहुनहे भेटके सहयोग मगलेसेफे बासुदेव प्याकुरेलके अध्यक्षतामे आयोग बनल रहे । उ आयोगसे बर्दिया जिल्लाके भुमिहिन किसानके लाग २५ हजार बिघा जमिन पञ्जिकरण हुइल रहे ।

वि.सं. २००७ सालमे कृषकहुके उब्जनीके ३ भागके १ भाग पाई परठ कना माग राखदपाछे ओइने जमिनदारसे निमंम तरिकासे पिटुवा पाइल रहिठ । हलिया ओ कर्मैया प्रथा अन्त्यके लाग लरटी आइल भीमदत्त पन्तहे विं.सं. २०११ सालमे भुपड्याके हत्या करल रहे । यी मेरिक टमान आन्दोलनसे नेपालमे प्रजातन्त्र प्राप्ती पश्चात् राष्ट्रिय राजनितिमे समेत भारी प्रभाव पारल । आन्दोलन उठाइल विषयहे लेके वि.सं. २०१५ सालमे हुइल प्रथम आमनिर्वाचनमे घर पोटुइयाके जग्गा जोटुइया कना नारा डेके नेपाली कांग्रेस विजयी हुइल रहे ।

वि.सं. २०२१ सालमे भुमिसुधार ऐन जारी करल हुइलेसेफे यी ऐनसे कर्मैया तथा भुमिहिनके पक्षसेफे जमिनदारके हितमे रहे । भुमिसुधार ऐन अपनहुनके पक्षमे नैआइल कहटी भुमिहिन तथा थारु कर्मैयासे आन्दोलन करलै । ओइनके माग सम्बोधन हुइनाके सट्टा जमिनदारहुनके दवावमे सरकारसे थारु तथा कर्मैया उपपर दमन करल । मने टमान समयमे कर्मैया मुक्तिके आन्दोलन चल्टी गेल । वि.सं. २०४५ सालमे सिल्टा थारुके नेतृत्वमे कर्मैया मुक्तिके आन्दोलन चरकलेसेफे तत्कालिन निरङ्कुश पञ्चायती प्रशासन ओ जमिनदारसे यी आन्दोलन डबैलै । वि.सं. २०५० सालमे बाँधा श्रम प्रणाली उन्मुलन ऐन २०५०, बनाके सांसदहुनसंग छलफल समेत हुइल ओ विद्यमान बाँधा श्रम प्रणाली उन्मुलन कैना प्रयोजनके लाग नगरपालिकाहे कानुन बनैना निर्देशन सहितके परमादेश जारी करके पाउँ कहिके सर्वोच्च अदालनमे रिट दायर हुइल रहे । वि.सं. २०५२ सालमे कर्मैया सक्ति मञ्च गठन करल रहे कलेसे २०५३ सालमे कर्मैया सरोकार समुह गठन करके कर्मैयाके क्षेत्रमे टमान अभियान सञ्चालन करल रहे ।

यिहे क्रममे एन्टी स्लेभरी इन्टरनेशनल इन्सेकके संयुक्त पहलमे नेपालमे कार्यरत कृषि श्रमिकके अवस्थाबारे दुसर एक अध्ययन करके फोर्स टु प्लो नामक पुस्तक सन् १९१७ मे प्रकाशन करल रहे । यसिक स्वयम् कर्मैया, गैरसरकारी संघसंस्था इन्सेक, जिफन्ट, ब्याकवार्ड सोसाइटी बेस, पत्रकार ओ नागरिक समाजहुनके प्रत्यक्ष अप्रत्यक्ष रूपमे समाजमे जर गारके बैठल कर्मैया प्रथाके अन्त्य कैना कर्मैया आन्दोलनमे सहयोग करल रहे । कर्मैया आन्दोलन सशक्त हुइल अवस्थामे राजनितिक दलके कर्मैया आन्दोलनहे सहयोग कैना बाध्य हुइलै । वि.सं. २०५७ जेठ १ गते कैलालीके साविक गेटा गाविसके कार्यालयमे पुर्वमन्त्री शिवराज पन्तके बन्धकीसे छुटकारा पैना १९ जाने बँधुवा मजदुरसे निवेदन दर्ता करलै । यी कदम कर्मैया प्रथा अन्त्यके निम्ति एक मेरिक सशक्त प्रयास रहे । विस्तारे यी अमानविय प्रथा विरुद्ध निवेदन डेना, धर्ना तथा विरोध प्रदर्शन कैना, सरकारहे दवाव डेना कर्मैयाहुनके संघर्ष समिति गठन करलै । स्थानीयसे केन्द्र सरकारसम नम्मा समयके संघर्ष पश्चात् सन् २००० मे कर्मैया आन्दोलनकारीहुके संसदभितर प्रवेश कैना प्रयास समेत हुइल रहे उ उहे समयमे संसद भितर विपक्षी दलके

राजनितिक दलहुके कर्मैया मुक्तिके घोषणा नैकरटसम संसद अवरुद्ध कैना चेतावनी डेहल रहिठ । यसिक आन्दोलनसे उग्ररूप लेटी गैलपाछे सरकार आजित हुके अन्ततः २०५७ सावन २ गते कर्मैयाहुनहे जमिनदार ओ जमिनदारके ऋणसे मुक्त हुइल घोषणा कैना बाध्य हुइल । फलस्वरूप कर्मैया प्रथा उन्मुलनके अन्त्य हुइल ।

पुनर्स्थापनाके प्रयास

वि.सं. २०५७ सालमे कर्मैया मुक्त घोषणा करल पश्चात् २०५७ फागुन ८ गते मन्त्रीपरिषदके बैठकसे दासप्रथाके अवशेष कर्मैया प्रथा सदाके लाग अन्त्य हुइल रहे । उहे अनुरूप कर्मैया पुनर्स्थापनामे सहजताके लाग कर्मैया श्रम (निषेध कैना सम्बन्धी) ऐन २०५८ जारी हुइल । २०६३ कुवॉर २ गते मन्त्री परिषदके बैठकसे उहे ऐनमे टेक्के केन्द्र ओ जिल्लामे हाली समिति बनाके काम कैना निर्णय करल । केन्द्रीयस्तरमे मुक्त कर्मैया पुनर्स्थापना अनुगमन समिति ओ जिल्ला स्तरमे मुक्तकर्मैया पुनर्स्थापना अनुगमन समिति गठन करके पुनर्स्थापनाके कार्यक्रम आघे बहाइल रहे । मने राजनितिक दल ओ कर्मचारीहुनके टमान स्वार्थके कारण यी आयोग ओ समितिले प्रभावकारी भुमिका निर्वाह करे नैसेकल कारण कर्मैया पुनर्स्थापनाके कार्य अलपत्र अवस्थामे छोरल ओरसे अब्बेसम्म पूर्ण रूपमे न्यायिक पुनर्स्थापना हुई सेकल नैहो ।

सुदूरपश्चिम प्रदेशके कैलालीमे ९ हजार ७ सय ६२ जाने, कञ्चनपुरमे ४ हजार ५ सय छ जाने ओ लुम्बिनी प्रदेशके दाङ्गमे १ हजार ४ सय २६ जाने, बाँकेमे २ हजार ३ सय १६ जाने ओ बर्दियामे १४ हजार ४ सय ९९ जाने कर्मैयाहुनहे ०५७ सावन २ गते मुक्त घोषणा करल रहे । कैलाली जिल्लामे लाल परिचय पत्र ३ हजार ७ सय ५८, निला परिचय पत्र ५ हजार २ सय १७, हरदयार परिचय पत्र १ सय ८९ ओ उज्जर परिचय पत्र ५ सय ९८ जाने पैले रहिठ । भुमिसुधार कार्यालय, कैलालीके तथ्याड्क अनुसार ९ हजार ७ सय ६२ जाने मुक्त कर्मैयाहे पुनर्स्थापना करेपर्ना हो मने ९ हजार ३ सय ८२ जाने मुक्त कर्मैयाहुनहे टमान स्थानके विवादित जग्गा, बैठना योग्य नैहुइल जग्गा, लडिया किनार, लडिया कटान, डुवान क्षेत्र, ऐलानी प्रति जग्गा, जंगल एरिया जैसन ठाउँमे ५ धुरसे ५ कठ्ठाके दरसे जग्गा वितरण करल रहे । मने ऐलानीप्रति जग्गा समेत डेहे नैसेक्के २ लाख रुपयाके जग्गा खरिद करके वितरण करल पाइल बा । ओइनके आधारभुत आवश्यकता पानी, विजुली, स्वास्थ्य, शिक्षा, रोजगार, यातायात लगायतके सेवा सुविधामे ध्यान नैडेके पुनर्स्थापना करल पाजाइठ । पुनर्स्थापना कैना आघे सरकारसे जटरा प्रयास करेपर्ना हो उ हुइल नैडेखजाइठ । सरकारसे कर्मैया पुनर्स्थापनामे कमीकमजोरी करल डेखाजाइठ जेकर कारण कर्मैया मुक्ति हुइल नम्मा समयसमफे ३ सय ८० जाने कर्मैयाहुनहे पुनर्स्थापना करे सेकल नैहो ।

मुक्त कर्मैयाहे पुनर्स्थापना करेबेर प्रतिपरिवार ५ कठ्ठा जग्गा, घर निर्माण कैना ३५ क्युफिट काठ ओ १० हजार रुपया डेना घोषणा करल रहे मने हालसम सक्कु मुक्त कर्मैया सरकारसे घोषित यी सुविधा पाई नैसेकल हुइठ । जेकर कारण कर्मैयाहुके सामान्य प्रकृतिके घर समेत निर्माण करे सेकल नैहुइठ । सरकारसे घोषणा करल पुनर्स्थापनाके कार्यक्रमसे अपन समस्या समाधान नैहुइलपाछे उचित पुनर्स्थापनाके



मैनामोती चौधरी

माग करटी आन्दोलन करलै ओ २०७२ भदौ २ गते बैठल मन्त्रीपरिषदके निर्णयसे १० हजारके सट्टा ५५ हजार रुपया ओ ३५ क्युफिट काठके सट्टा १ लाख रुपया डेना ओ पुनर्स्थापना हुइना बाँकी रहल कर्मैयाहे २ लाख रुपयाके दरले जटरा जग्गा खरिद करे सेकजाइठ उ उपलब्ध करैना निर्णय करल रहे । मने उ निर्णय नम्मा समयसे कार्यान्वयन हुई सेकल ओ कर्मैयाहुनके समस्या अभिन ज्युँका त्युँ बटै ।

वर्तमान अवस्था

कैलाली जिल्लामे ३ सय ८० जाने मुक्त कर्मैयासे जग्गा पाई सेकल नैहुइठ । ४ सय ३४ मुक्त कर्मैयाहे विवादित जग्गाके पुर्जा वितरण करल कारण ओइने उ जग्गा भोगचलन करे सेकल नैहुइठ । रारकारके तथ्याङ्कमे पुनर्स्थापना करल कहल उ जग्गाके सट्टाभर्ना समेत पाइल नैहुइठ । सरकारसे कर्मैया मुक्तिके घोषणा करल दुई दशकसे ढेर हुसेकल बा ओ ओइनके अवस्था दयनिय बन्टी गेल बा । पुनर्स्थापना करल कहल मुक्त कर्मैयाफे टमान सेवा सुविधासे वञ्चित हुइटी आइल बटै । सरकारसे पुनर्स्थापना करल मुक्त कर्मैया बस्तीमे स्वास्थ्य, शिक्षा, यातायात, खानेपानी जैसिन पुर्वाधारक सेवासुविधा डेहे सेकल नैहो । जेकर कारण मुक्त कर्मैयाहुके राज्यके हरेक सेवासुविधासे वञ्चित हुई परल अवस्थ बा । जिल्लामे अभिनफे हजारौ छुट कर्मैया अलपत्र रहल अवस्थामे राज्यके संरचना परिवर्तन हुईबेर कर्मैयाहुनके सवाल तथा मुद्दा पुर्णरूपमे ओ भोलमे परल बा । अभिनफे कर्मैयाहुके वन अतिक्रमणकारीके आरोप खेटी अइटी रहल बटै ।

राज्यके सक्कु सेवा सुविधासे बञ्चित मुक्त कर्मैया अशिक्षा, बेरोजगारीसे चरम आर्थिक अभावमे जीवन विटैना बाध्य हुइल बटै । भौतिक सेवा सुविधा नैहुके दैनिक ज्यालादारीके कामफे पैना समस्या बा । बजारसे दुरके कर्मैयाहुनहे सरकारसे डेहल ५ कठ्ठा जग्गामे खाई नैपुगठ ज्यालादारी कैना ठाउँ नैहुई जेकर कारण कर्मैयाहुके फे उहे जमिनदारके जग्गा कम ज्याला अर्थात् अधिर्धामे जमिन जोत्न बाध्य हुइल बटै । नेपाल संघीय संरचनामे गैलेसेफे संघ सरकारसे कर्मैया पुनर्स्थापनाके जिम्मा प्रदेश ओ स्थानीय सरकारहे डेहल रहे । मने प्रदेश ओ स्थानीय सरकार गठन हुइल दुई कार्याकालसम प्रदेश ओ स्थानीय सरकार कर्मैया पुनर्स्थापनाके लाग कौनो कार्यविधि वा कानुन बनाइल नैडेखजाइठ । प्रदेश ओ स्थानीय सरकार गठन हुइलेसेफे कर्मैया पुनर्स्थापनाके कार्य पुर्णरूपमे रोकल अवस्था बा ।

शिक्षाके अवस्था

कर्मैया श्रम निषेध ऐन २०५८ मे कर्मैयाके बालबालिकाहे निःशुल्क शिक्षा उपलब्ध करैना कहल बा । मने उ व्यवस्था सरकारसे अभिन लागु करे सेकल हो । कर्मैयाके बालबालिकाहुके ढेर जैसिन पहे नैजैठे जडइयाफे शुल्क तिरके पहना बाध्य बटै । चरम आर्थिक अभावमे जीवने (बाँकी ३ पेजमे)

साहित्यिक फूलारिया

गजल	आशिका चौधरी	गजल	निर्मल चौधरी
टोहार्र याद मनमे बसल रहे । दिन रात आँखिया रसट रहे ।		नारी हुके नारीनके इज्जत कर्ना सिखो । सक्कु जाने एकजुट हुके लर्ना सिखो ।	
चाँद जैसिन चेहरा टोहार्र लागे, डेखटि इ दिलवा हँसट रहे ।		एकतामे जो सबसे बरवार तागत रहट, हाँठमे हाँठ मिलाके आघे सर्ना सिखो ।	
डुर हुइलो का हुइल सजना, मैयाँ मनमे हरपल ढरकट रहे ।		रुपरंग सुग्घुर हुइलेसे किल कुछ निहुइ, पहिले घरअंगना घोटैलसे बहर्ना सिखो ।	
टोहार्र बिना जीवन सुनसान लागे, हर सपना अढुराहस खस्कट रहे ।		सडा एक्केनास रबो टो सबजाने हेप्टै, समय अनुसार फुल्ना ओ भर्ना सिखो ।	
हावा संग याद टोहार्र बहट रहे, मने मन मोर हरदम टरपट रहे ।		कबसम चिपचाप अत्याचार सहटी रबो, परल बेला सक्हुन मिलके सपर्ना सिखो ।	
कैलाली		कैलाली	
गजल	विक्रम विरहल	गजल	मिशलेश सोर्नाकुसुम्याँ
कबुकाल जिन्गी खण्डहर जैसिन लागट । सुखल पटिया आउर खर जैसिन लागट ।		नाटपाँट डुर हुइटी बाट लघ बनैहो कटुँ । अपन सँस्कार सबके मनम सजैहो कटुँ ।	
आपन ड्यासक मनैन जन्टाहस निकरैठ, डाबाबा होकफेँ महि टुवर जैसिन लागट ।		बिरान हुइटी बा गाउँघर आभकाल फुर, टरटिहुवार लस्कटा स्यावा लगैहो कटुँ ।	
डाडु अब्बहँसे हौसियारसे न्यागस कट, डैटुरनके खराब लजर जैसिन लागट ।		एकठो ग्यार एकठो बार हुइना लस्कर बा, छोटिमोटि हमार थारु खिस्सा बटैहो कटुँ ।	
दयार बरस रहिक उहिनसे भ्याँट हुइल, इ ढकढिउरम आगी बर जैसिन लागट ।		जबाना फरक हुइटी ब न्याँगना डग्रफेँ, सजना मैनासे मनहे रसपान उठैहो कटुँ ।	
डाइबाबक उपरफे हाँठग्वारा चलैठ यहाँ, कलजुगम मनैनफेँ पडुर जैसिन लागट ।		ढल्टी जाइटा दिन डुपहर विकास नैहोक, सक्हुनके टुटल आस भरोसा बसैहो कटुँ ।	
बर्दिया		बाँके	

कमैया प्रथा...

विटैटी रहल कमैयाके बालबालिका शुल्क तिरे नैसेक्के विचमे पढाई छोरके मजदुरी कैना बाध्य बटै । ओइने मजदुरीके लाग नेपालके शहरबजार ओ भारतके टमान ठाँउमे जोखिमपूर्ण काम करटी रहल भेटजइतै ।

सरकारसे आधारभुत तहसम अनिवार्य निशुल्क घोषणा करलेसेफे व्यवहारमे लागू नैहुइलपाछे कमैयाके बालबालिका शिक्षासे बञ्चित हुई परल बा । स्थानीय सरकारफे कमैयाके बालबालिकाक लाग कौनो स्पष्ट कानुन वा कार्यविधि नैबनाइल कमैयाके बालबालिका शिक्षासे बञ्चित हुई परल बा । नेपालके संविधानके भाग ३ मे मौलिक हकके धारा ३१ के उपधारा-२ मे उच्च शिक्षासम निशुल्क कहल बा । स्थानीय सरकासे अपन लोकप्रियताके लाग हरेक आर्थिक वर्षके नीति तथा कार्यक्रममे कमैयाके बालबालिकाहे निशुल्क शिक्षा ओ छात्रवृत्ति कहिके बजेट समेत विनियोजन करटी आइल बा ।

मने फे कार्यान्वयन कैना ओ अनुगमन कैना निकायके कमीकमजोरीके कारण गरिब, निमुखा, सीमान्तकृत समुदाय ओ ओम्ने कमैयाके बालबालिका शिक्षा प्राप्त करे पैना अधिकारसे वञ्चित हुई परल बा ।

स्वास्थ्यके अवस्था
नेपाल सरकारसे टमानस्तरके स्वास्थ्य संस्थामे ९० मेरिक औषधी निशुल्क वितरण कैना व्यवस्था मिलाइल बा । मन फे स्वास्थ्य संस्थामे प्रयाप्त ओ सक्कु खाले औषधी उपलब्ध नैहुके गरिब, निमुखा, विपन्न, सीमान्तकृत, कमैया समुदाय निशुल्क स्वास्थ्य उपचारसे वञ्चित हुई परल बा ।

सरकारके स्वास्थ्य बिमा कार्यक्रम प्रभावकारी नैहुके स्वास्थ्य बिमा

कार्यक्रममे पहुँच पुगे सेकल नैहो । मुक्त कमैया ओइनके परिवारमे जेष्ठ नागरिक, दिर्घरोगी, गर्भवती ओ सुत्केरी महिला तथा बालबालिका स्वास्थ्य सेवा पैनासे वञ्चित हुइल ओरसे टमान स्वास्थ्य समस्याके सामना कैना विवश बटै ।

गम्भीर रोग लगलेसे कमैयाहुके महुँगामे उपचार करैना बाध्य बटै की अकालमे मृत्यु वरण करे परल अवस्था बा । मने सरकारसे अइनेहे केन्द्रीत करके विशेष स्वास्थ्य कार्यक्रम सञ्चालन करल नैडेखजाइड ।

रोजगारीके अवस्था
कमैया मुक्त घोषणा करल दुई दशकसे ढेर समय हुइलेसेफे सरकारसे कमैयाहुकनके योग्यता ओ क्षमताके आधारमे कही कौनो रोजगारीके व्यवस्था करल नैडेखजाइड । चरम आर्थिक समस्याके कारण उच्च शिक्षासम पहुँ नैसेकल कमैयाके परिवारहे जिविकोपार्जनके लाग सरकारसे कौनो पहल हुइल नैडेखजाइड । जिल्ला भुमिसुधार कार्यालयसे ४ हजार ४ सय ५० जाने कमैयाहे स्वारोजगारके लाग सीपमुलक तालिम डेलेसेफे पुर्जी अभाव ओ अर्धदक्षताके

कारण प्रभावकारी डेखल नैडेखल । सरकारसे कमैयाहे डेहल ५ धुरसे ५ कठ्ठा जग्गाफे अस्थाई लालपुर्जाके कारण बैकिङ्ग कारोवार करे सेक्ना अवस्था नैहो । जेकर कारण मजदुरीके लाग नेपालके शहरबजार ओ भारतके टमान ठाँउमे जोखिमपूर्ण काम कैना बाध्य बटै ।

कमैयाहुके जटरा मेहनत ओ पसिना बगाके काम करलेसेफे उचित पारिश्रमिक पाई सेकल नैहो । न टे समयमे ज्याला पाई सेकल हुइड । जिहीसे कमैयाके परिवार अब्बेफे आर्थिक अभाव ओ टमान समस्याके सामना कैना बाध्य हुइल बटै ।

कानुनी प्रावधान
कमैया श्रम (निषेध कैना सम्बन्धी) ऐन- २०५८, मुक्त हलिया, कमैया, कम्लहरीके सम्बन्धमे व्यवस्थापना कैना बनल विधेयक - २०७८, ओ प्रत्येक स्थानीय तहसे कार्यविधि निर्माण करके मुक्त हलिया, कमैया, कम्लहरीहुकनके पुनर्स्थापना करेपर्ना कानुनी डगर खुलल हुइलसेफे स्थानीय सरकारसे कौनो चासो डेहल नैहो । जेकर कारण कमैया पुनर्स्थापनाके कार्य पुर्णरूपमे ठप्प रहल अवस्था बा ।

डिवश ड्राईभिङ सेन्टर

दक्ष चालक बना सक्कु सैद्धान्तिक तथा व्यवहारिक ज्ञान देना प्रयास हमार, सफलता अपनैके ।

सीप सिक्की, स्वरोजगार बनी विद्यार्थी ओ गुपने अउईयाहुकनहे विशेष छुटसहित...

हमार यहाँ दक्ष प्रशिक्षकहुकनसे मोटर साईकल, स्कुटी, कार, जीप ग्यारेन्टीके साथ ड्राईभिङ सिखैनाके साथे फोटोग्राफीके सुविधा समेत उपलब्ध बा ।

नोट: साथे दुरसे अउईया विद्यार्थीनके लाग बैठना व्यवस्था समेत उपलब्ध बा । समयमे सक्कु सिकाह विद्यार्थीहुकनहे सम्पर्क कैना सहर्ष जानकारी कराइटी ।

धनगढी, चटकपुर कैलाली फोन: ०९१-४१०२३७ मो.९८४८४३९६८५

“लैडिङ्गक समानताके लाग समान सोच ओ व्यवहार: समृद्धिके आधार”

साप्ताहिक बाल स्तम्भ




आयन कुशमी कक्षा : २ बाल्मिकी इन्टरनेशनल स्कूल, धनगढी



आयुषा आग्री कक्षा : ३ सिद्धार्थ विद्या निकेतन स्कूल, धनगढी



प्रत्यूषा चौधरी कक्षा : ५ एक्सिस विद्याश्रम धनगढी



आलिया चौधरी कक्षा : २ वेस्ट सनराइज इ बोर्डिङ स्कूल

पेट, छाती, मुटु तथा थाईराईड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षघात) तथा अन्य नशा सम्बन्धी रोगको उपचार
- छाती दुस्के, पेट दुस्के समस्याको उपचार
- ज्वरो आउने, टाउको दुस्के तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी
MBBS, MD (KU)
NMC No. 15308
कन्सल्टेन्ट फिजिसियन



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ☎ सम्पर्क नं. ०९१-५९०३२८, ९७६४२१२७२७, ९७६९९३२१०५

कञ्चनपुरमे जापनिज इन्सेफ्लाइटिसके जोखिम कायमे

पहुरा समाचारदाता

कञ्चनपुर, १ सावन । चार बरससे जापनिज इन्सेफ्लाइटिस पुष्टि हुइल बिरामी नैडेखल कञ्चनपुरमे गैल बरस इ रोगसँग मिल्दोजुल्दो लक्षण हुइल सात जाने बिरामी भेटल रहित । ओकरपाछे स्वास्थ्य कार्यालयसे समुदायस्तरमे निगरानी ओ जनचेतनामूलक कार्यक्रमहे तीव्र बनैले बा ।

लक्षण देखैल सात जाने मध्ये कुछ स्थानीयवासी ओ कुछ रोजगारीके सिलसिलामे भारतसे फर्कल रहित । सबके लक्षणके आधारमे उपचार करल रहे । लम्मा समयपाछे ओइसीन बिरामी देखैना जिल्लामे जापनिज इन्सेफ्लाइटिसके जोखिम आउर कायम रहल स्वास्थ्यकर्मीके निष्कर्ष रहल बा । यद्यपि, इ बरस हालसम जिल्लामे जापनिज इन्सेफ्लाइटिसके बिरामी भेटल नैहुइत ।

स्वास्थ्य कार्यालय कञ्चनपुरके औलो निरीक्षक सिद्धराज भट्टके अनुसार विगत चार बरससे जिल्लामे जापनिज इन्सेफ्लाइटिसके पुष्टि हुइल बिरामी भेटल नैरहित ।

गत बरस सात जनहनमे रोगसँग मिल्दोजुल्दो लक्षण देखलपाछे जोखिमहे मध्यनजर कैटी रोगके निगरानी ओ समुदायस्तरके सचेतना अभियानहे प्रभावकारी बनाइल उहाँ बटैले ।

उहाँके अनुसार स्वास्थ्यकर्मी तथा महिला स्वास्थ्य स्वयंसेविकाहे अभिमुखीकरण करल बा । रोगके लक्षण, सङ्क्रमणसे बच्ना उपाय तथा समयमे स्वास्थ्य संस्थामे पुगे पना



विषयमे सर्वसाधारणहे जानकारी करैना कार्य आघे बहाइल बा ।

जापनिज इन्सेफ्लाइटिस क्युलेक्स जातके पोथी मच्छरीनके कटाइसे सर्ना मस्तिष्कमे असर कैना गम्भीर भाइरल रोग हो ।

इ मच्छर विशेष कैके धानखेत, पानी जम्ना स्थान, फोहरसे भरल नाली, दलदले क्षेत्र तथा सुवर ओ बकटीपालन हुइना स्थानके आसपास ढेर पाजैठै । सङ्क्रमित सुवर वा जलचर चिरैनके रगत चुससेकल मच्छर मनैनेहे काटलपाछे भाइरस सरठ् । “इ रोग मनैनेसे मनैनेमे प्रत्यक्ष नैसरठ्”, निरीक्षक भट्ट कहलै ।

भट्टके अनुसार अधिकांश सङ्क्रमितमे कौनो विशेष लक्षण नैदेख फेन परठ् । सङ्क्रमण गम्भीर बनलमे उच्च जुरी अइना, असह्य कपार बठैना, उल्टी हुइना, घाँटी कडा हुइना, शरीरमे भट्का लगा, बेहोस हुइना, मानसिक अवस्था परिवर्तन हुइना तथा मस्तिष्कमे सुइना समस्या देखे सेकठ् ।

विशेष कैके बालबालिका ओ वृद्धवृद्धामे यकर असर ढेर गम्भीर हुइना ओ समयमे उपचार नैपाके स्थायी

अपाङ्गता वा मृत्युके जोखिमसमेत हुइना उहाँ बटैले ।

इ रोगके भाइरस नष्ट कैना विशेष औषधि हालसम उपलब्ध नैरहल ओरसे बिरामीके अवस्थाअनुसार जुरी नियन्त्रण, सास फेर्न सहयोग कैना तथा अन्य सहायक उपचार कैना उहाँ बटैले । स्नायु प्रणालीसँग सम्बन्धित कौनो फेन असामान्य लक्षण देखलैलेसे ढिलाइ नैकैके स्वास्थ्य संस्थामे पुगके परीक्षण करैना उहाँ आग्रह करलै ।

स्वास्थ्यकर्मी प्रेम धामीके अनुसार कञ्चनपुरके कृषि प्रणाली ओ भौगोलिक अवस्था जापनिज इन्सेफ्लाइटिस सर्ना क्युलेक्स जातके मच्छरके लाग अनुकूल बा । धानखेती, वर्षायाममे पानी जम्ना क्षेत्र तथा सुवर ओ बकटी पालन हुइना स्थानके कारण मनसुनमे मच्छरीनके सत्ता बहना ओ सङ्क्रमणके जोखिम फेन उच्च रहना उहाँ बटैले ।

स्वास्थ्यकर्मी धामीके अनुसार रोगसे बच्ना मच्छरीनके कटाइसे बच्ना सबसे प्रभावकारी उपाय रहल बटैटी झुल प्रयोग कैना, साँझसकार पूरा शरीर छोप्ना कपडा लगाइ परठ् ।

सुदूरपश्चिममे फेनसे बजेट ‘होलिडे’

पहुरा समाचारदाता

धनगढी, १ सावन । सुदूरपश्चिम प्रदेशमे फेनसे बजेट शून्यता (होलिडे) मे पुगल बा ।

आर्थिक वर्ष २०८३/८४ के लाग असार १ गते आर्थिक मामिला मन्त्री विक्रमसिंह धामीसे प्रस्तुत करल बजेट अन्ततः असार मसान्तसम पारित हुइ नैसेकल । अपनहे लानल बजेट सरकारसे पारित करे नैसेकलपाछे सावन १ गतेसे प्रदेश सरकारसँग खर्च कैना कानुनी आधार समाप्त हुइल बा ।

सत्तारूढ दल नेकपा एमालेसे बजेट प्रस्तुत हुइटी किल बजेटप्रति असन्तुष्टि व्यक्त कैटी पुनर्लेखनके माग करल रहे । एमालेसँगके सहकार्यके डगरा बन्द हुइटी गैलपाछे मुख्यमन्त्री कमलबहादुर शाह एमालेके चार मन्त्रीहे हटाइल रहित ।

एमाले फेन उहे दिन समर्थन फिता लेहलपाछे सरकार अल्पमतमे परल हो । एमालेके समर्थन फितापाछे अल्पमतमे परल सरकारसे बजेट पास कराइक लाग नेपाली कम्युनिष्ट पार्टी (नेकपा) के साथ नैखोजल नैहो, मने नेकपासे फेन अब्बेक बजेट यथास्थितिमे पारित करे नैसेकजैना बटाइलपाछे सरकारसे समयमे बजेट पारित कराइ नैसेकल ।

बजेटसम्बन्धी विधेयक पारित हुइ नैसेकलपाछे सरकारसे शुबसे कौनो फेन शीर्षकमे खर्च करे पैना नैहो । यद्यपि सामयिक राजस्व संकलन ऐन, २०८१ अनुसार राजस्व संकलन ओ नियमित सेवा प्रवाह भर जारी रहना बा ।

बजेट फेल हुइना निश्चित हुइलपाछे सरकारसे बजेट पारितके प्रयास नैकैके प्रदेशहे बजेट शून्यतामे पुगाइल नेकपा

एमालेके आरोप रहल बा । ‘सरकारके अकर्मण्यताके कारण बजेट फेल हुइल बा । बजेट शून्यतामे लागके सरकार असफल होसेकल बा । आम नागरिकहे पना समस्याके जिम्मेवार सरकार हो,’ एमाले संसदीय दलके नेता राजेन्द्रसिंह रावल कहलै, ‘बजेट फेल होके सरकार फेल होसेकल बा । आब मुख्यमन्त्री मार्गप्रशस्त करे परल ।’ प्रमुख प्रतिपक्ष नेकपाके संसदीय दलके नेता खगराज भट्ट फेन साझा समस्या समाधानके लाग सरकारसे औपचारिक पहल नैहुइल बटैले ।

‘उहाँहुकनके लानल बजेट उहाँ ओइनके आन्तरिक विवादके कारण रुकल, ’ भट्ट कहलै, ‘पेस्की खर्चजैसिन विषयमे सहकार्य कैना हमे तयार रही । मने बिफेक रोज सकारे छलफलमे फेन उहाँहुके पुराने बजेट पारित कैडेना आग्रह करलै, जौन सम्भव नैरहे । हमे उ बजेट सुरुसे नै बेथितिपूर्ण कहल रही ।’

सरकारके बहुमतके लाग २७ सांसद आवश्यक परी । कांग्रेससँग १८ ओ एमालेसँग ११ सांसद रहल बटै । गठबन्धन भट्कलपाछे सरकारसँग बजेट पारित करैना आवश्यक बहुमत फेन नैहो ।

ओइसीन बेला अध्यादेशमाफत पेस्की बजेट लानके सरकारसे चालुओरके खर्च कैना वातावरण सिर्जना करे सेक्ना विकल्प हुइटी हुइटी फेन नैकैके खर्च कैना डगरा नै बन्द हुइल बा । बजेट फेल हुइना निश्चित हुइलपाछे बजेट शून्यता पहिलचो भर नैहो ।

इहीसे आघे फेन आर्थिक बरस २०८१/८२ के बजेट समयमे पारित हुइ नैसेकके प्रदेशले करिब तीन महिना बजेट शून्यताके अवस्था बेहोरल रहे ।

कृषि उत्पादनमा आत्मनिर्भर बनौं

- ❖ आधुनिक प्रविधिको प्रयोग गरी कृषि उत्पादन वृद्धि गरौं,
- ❖ कृषकलाई आवश्यक मल, वीउ समयमै उपलब्ध गराऔं,
- ❖ स्थानीय उत्पादनलाई बजारसम्म पुऱ्याउन बजार संयन्त्रको विकास गरौं,
- ❖ कृषकलाई सीप, तालिम र सहूलियतपूर्ण ऋण उपलब्ध गराऔं,
- ❖ जमिनको संरक्षण गरौं, खेतीयोग्य भूमिको सदुपयोग गरौं,
- ❖ कृषि उत्पादन बढाऔं र कृषि उपजमा आत्मनिर्भर बनौं,
- ❖ नवीन प्रविधि र अवसर उपलब्ध गराई युवाहरूलाई कृषिमा आकर्षित गरौं ।

कृषि पेशा प्रति सम्मान र गौरव गरौं ।



विपद् जोखिम न्यूनीकरणको पूर्वतयारी गरौं

- ❖ वर्षाको समयमा बाढी पहिरो तथा चट्याङ्गको जोखिम हुन सक्छ,
- ❖ सम्भावित जोखिमको मूल्यांकन गरौं, सचेत बनौं,
- ❖ जोखिमयुक्त स्थानमा नबसौं, सुरक्षित स्थानमा बसौं,
- ❖ नदि किनारा वा भिरालो जमिनमा बसोबास भएकाहरू विशेष सतर्क रहौं,
- ❖ सम्भावित जोखिमबाट बच्न आपतकालीन पूर्वयोजना बनाऔं,
- ❖ घर परिवार र छिमेकीहरूसँग मिलेर सुरक्षित स्थानको पहिचान गरौं,
- ❖ सम्पर्क बिन्दुहरू तय गरौं, सूचना प्रणालीमा आवद्ध होऔं,
- ❖ खाद्यान्न, पानी, प्राथमिक उपचार सामग्री, टर्चलाइट र आवश्यक औषधि आदि तयारी अवस्थामा राखौं,
- ❖ प्रकोप व्यवस्थापन तालिम तथा अभ्यासमा सहभागी बनौं,
- ❖ बालबालिका, वृद्धवृद्धा र अपाङ्गता भएका व्यक्तिको सुरक्षामा ध्यान दिऔं ।



कैलारी गाउँपालिका गाउँ कार्यपालिकाको कार्यालय कैलाली

विपद् जोखिम न्यूनीकरणको पूर्वतयारी गरौं

- ❖ वर्षाको समयमा बाढी पहिरो तथा चट्याङ्गको जोखिम हुन सक्छ,
- ❖ सम्भावित जोखिमको मूल्यांकन गरौं, सचेत बनौं,
- ❖ जोखिमयुक्त स्थानमा नबसौं, सुरक्षित स्थानमा बसौं,
- ❖ नदि किनारा वा भिरालो जमिनमा बसोबास भएकाहरू विशेष सतर्क रहौं,
- ❖ सम्भावित जोखिमबाट बच्न आपतकालीन पूर्वयोजना बनाऔं,
- ❖ घर परिवार र छिमेकीहरूसँग मिलेर सुरक्षित स्थानको पहिचान गरौं,
- ❖ सम्पर्क बिन्दुहरू तय गरौं, सूचना प्रणालीमा आवद्ध होऔं,
- ❖ खाद्यान्न, पानी, प्राथमिक उपचार सामग्री, टर्चलाइट र आवश्यक औषधि आदि तयारी अवस्थामा राखौं,
- ❖ प्रकोप व्यवस्थापन तालिम तथा अभ्यासमा सहभागी बनौं,
- ❖ बालबालिका, वृद्धवृद्धा र अपाङ्गता भएका व्यक्तिको सुरक्षामा ध्यान दिऔं ।



भजनी नगरपालिका ४ नम्बरको कार्यालय खैलाड, कैलाली

सुवर्ण अवसर ! सुवर्ण अवसर !! सुवर्ण अवसर !!!

कैलाली अस्पताल प्रा.लि

Provide Health Related Services

सेवाहरू :

- ❑ मधुमेह(सुगर)
- ❑ थाइराइड रोग
- ❑ पेट,मुटु तथा छातिरोग
- ❑ कलेजी रोग
- ❑ TB, हेपाटाइटिस रोग
- ❑ ब्लडप्रेसर तथा हृदयरोग
- ❑ मोटोपना

डा. अकाश राउत
MBBS, MD (T), Internal Medicine
Senior Consultant Physician
NMC NO. 20304

आउने समय : प्रत्येक दिन (२४ घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हाम्रा सेवाहरू : १) २४ घण्टा ईमर्जेन्सी सेवा, फार्मेसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकुलीन एम्बुलेन्स, वातानुकुलीन क्याविन । २) स्त्री रोग तथा प्रसूती सम्बन्धी सेवा (बॉन्डोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठागुठी आउने, शरिरका विभिन्न भागमा गाँठागुठी, घाउ खटिरा, पत्थरी, किडनीको पत्थरी, प्रोस्टेटको अप्रेसन तथा पित्तथैलीको पत्थरी अप्रेसन) । ४) हाड(जोर्नी) तथा नशा सम्बन्धी सेवा (हाटखुट्टा बाङ्गे, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेसिनबाट हड्डीको अप्रेसन)छाती, मुटु, कलेजो तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुर्छा पनुं, टाउको दुख्ने जस्ता समस्याहरू, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडेको अप्रेसन आदि सेवा ।



कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-५२४५५५, ५२४६५४, ५२१२४९